

ODLUKA
O NAKNADAMA KOJE LIZING DRUŠTVA PLAĆAJU AGENCIJI ZA BANKARSTVO
FEDERACIJE BiH

Član 1.

Ovom odlukom utvrđuje se visina i način plaćanja naknade za nadzor poslovanja lizing društava, kao i ostale naknade koje lizing društva i druga pravna i fizička lica plaćaju Agenciji za bankarstvo Federacije BiH (u daljnjem tekstu: FBA).

Član 2.

Nadzorni odbor i direktor lizing društava su odgovorni za uredno plaćanje naknade za poslove koje izvrši FBA.

Član 3.

(1) Naknade iz člana 1. ove odluke naplaćuju se po pojedinim vrstama poslova prema sljedećoj tarifi:

1. Naknade za nadzor poslovanja lizing društva:

a) linearna godišnja naknada za lizing društva iznosi 6.000,00 KM i uplaćuje se u jednakim tromjesečnim ratama najkasnije do posljednjeg dana tekućeg tromjesečja;

b) tromjesečni varijabilni dio se utvrđuje u visini od 0,1 promila iznosa ukupne aktive bilansa stanja lizing društva na posljednji dan prethodnog tromjesečja za tekuće tromjesečje i uplaćuje se najkasnije do posljednjeg dana tekućeg tromjesečja.

2. Naknade za izdavanje dozvola i saglasnosti:

a) naknada za izdavanje dozvole za obavljanje poslova lizinga iznosi 3.000,00 KM;

b) naknada za izdavanje prethodne saglasnosti za sticanje ili povećanje značajnog vlasničkog interesa u lizing društvu iznosi 1.000,00 KM;

c) naknada za izdavanje prethodne saglasnosti za sticanje vlasničkog interesa lizing društva u drugom pravnom licu iznosi 1.000,00 KM

d) naknada za izdavanje saglasnosti za osnivanje podružnica lizing društvu sa sjedištem u Federaciji BiH i Republici Srpskoj iznosi 500,00 KM;

e) naknada za ostale dozvole i saglasnosti za lizing društva iznosi 500,00 KM.

3. Naknade za izdavanje mišljenja potvrda i prijepisa iznosi 50,00 KM.

(2) Naknade iz stava (1), tač. 1. i 2. ovog člana uplaćuju se na dan izdavanja Rješenja i utvrđene su posebnim Zaključkom FBA, a naknade iz stava (1), tačka 3. uplaćuju se na dan izdavanja mišljenja potvrda i prijepisa, u iznosu utvrđenom u istim.

4. Odobrenje za izbor nezavisnog vanjskog revizora ne naplaćuje se.

Član 4.

Ukoliko je prihod od naknada koje lizing društva plaćaju FBA, veći za 10% od rashoda (troškova) za obavljanje nadzora poslovanja lizing društva, Upravni odbor FBA može donijeti odluku o povratu lizing društvima dijela sredstava ostvarenih po osnovu uplaćenih naknada iz ove odluke.

Član 5.

Ova Odluka stupa na snagu osmog dana od dana objavljivanja u "Službenim novinama Federacije BiH".